



Bosna i Hercegovina
Federacija Bosne i Hercegovine
Zeničko-Dobojski kanton
OPĆINA BREZA
Općinsko vijeće

Broj: 01/1-02-2311/10
Breza, 28.10.2010.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Odluke o zaštiti izvorišta „Laz“ i „Izbod“, Općinsko vijeće Breza na sjednici održanoj dana 28.10.2010. godine, donosi

ZAKLJUČAK

I

UTVRĐUJE SE Nacrt Odluke o zaštiti izvorišta „Laz“ i „Izbod“.

Po utvrđenom Nacrtu Odluke o zaštiti izvorišta „Laz“ i „Izbod“ provesti javnu raspravu u okviru vijećnika Općinskog vijeća, predstavnika mjesnih zajednica, preduzeća i drugih korisnika.

II

Javnu raspravu sprovesti u periodu od 29.10.2010. do 29.11.2010.godine.

III

Za realizaciju zaključka zadužuje se Služba za privredu, finansije i opću upravu.

Dostavljeno:
1x Služba za privredu, fin. i opću upravu,
1x 01/1,
1x a/a.

PREDSJEDAVAJUĆI
Općinskog vijeća
Vinko Pandža, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-05-1869/10
Breza, 28.10.2010.godine

Na osnovu člana 13.stav 2. alineja 18. Zakona o principima lokalne samouprave u Federaciji BiH („Službene novine FBiH“, broj 49/06) i člana 19. tačka 18. Statuta Općine Breza („Službeni glasnik Općine Breza“, broj 8/09 – Prečišćeni tekst) Općinsko vijeće Breza na sjednici održanoj 28.10.2010. godine, d o n o s i

R J E Š E N J E

o razrješenju predsjednika i članova Komisije za provođenje konkursa za dodjelu neizgrađenog gradskog građevinskog zemljišta

I

Razrješavaju se dužnosti predsjednik i članovi Komisije za provođenje konkursa za dodjelu neizgrađenog gradskog građevinskog zemljišta, zbog isteka mandata („Službeni glasnik Općine Breza“, broj 5/2006) i to:

1. Sead Šabić, predsjednik komisije,
2. Rešad Omerhodžić, član,
3. Zakir Silajdžić, član,
4. Midhat Omerhodžić, član,
5. Elmedin Telalović, član.

II

Ovo rješenje stupa na snagu osmog dana od dana objavljivanja u „Službenom glasniku Općine Breza“.

DOSTAVLJENO:

5x Članovi komisije,
1x Služba za prostorno uređenje,
1x 01/1,
1x a/a.

PREDSJEDAVAJUĆI

Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1869/09
Breza, 28.10.2010.godine

Na osnovu člana 13.stav 2. alineja 18. Zakona o principima lokalne samouprave u Federaciji BiH („Službene novine FBiH“, broj 49/06) i člana 19. tačka 18. Statuta Općine Breza („Službeni glasnik Općine Breza“, broj 8/09 – Prečišćeni tekst) Općinsko vijeće Breza na sjednici održanoj 28.10.2010. godine, d o n o s i

R J E Š E N J E**o imenovanju predsjednika i članova Komisije za
provođenje konkursa za dodjelu neizgrađenog gradskog građevinskog zemljišta****I**

U Komisiju za provođenje konkursa za dodjelu neizgrađenog gradskog građevinskog zemljišta, imenuju se:

1. Sabit Begić, predsjednik komisije,
2. Elmedina Dervišević, član,
3. Rešad Omerhodžić, član,
4. Elmedin Telalović, član,
5. Samir Bureković, član.

II

Zadatak komisije iz člana I ovog rješenja je da priprema i sprovodi konkurs za dodjelu neizgrađenog gradskog građevinskog zemljišta u skladu sa zakonom i Odlukom o građevinskom zemljištu.

III

Imenovanje komisije se vrši na period od 4 (četiri) godine.

IV

Ovo rješenje stupa na snagu osmog dana od dana objavljivanja u „Službenom glasniku Općine Breza“.

DOSTAVLJENO:

5x Članovima komisije,
1x Služba za prostorno uređenje,
1x 01/1,
1x a/a.

PREDSJEDAVAJUĆI

Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2389/10
Breza, 28.10.2010.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Rješenja o odbijanju zahtjeva Sokić Halima za utvrđivanje prava vlasništva na gradskom građevinskom zemljištu, Općinsko vijeće Breza na sjednici održanoj dana 28.10.2010. godine, d o n o s i

Z A K L J U Č A K**I**

Da se izjašnjavanje po Rješenju o odbijanju zahtjeva Sokić Halima za utvrđivanje prava vlasništva na gradskom građevinskom zemljištu označenom kao k.č.br. 152/7 u površini od 185 m² upisano u zk.ul.br. 416 k.o. Potkraj, odgodi za narednu sjednicu Općinskog vijeća, kako bi stranka pokušala riješiti određena prethodna pitanja.

Dostavljeno:
1x Sokić Halim,
1x Služba za prostorno uređenje,
1x 01/1,
1x a/a.

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinski načelnik
Služba za privredu, finansije i opću upravu

Broj: 02/1-02-2004/10
Breza, 21.09.2010.godine

Služba za privredu, finansije i opću upravu općine Breza, po ovlaštenju Općinskog načelnika na osnovu člana 10. Stav 1. Odluke o organizaciji i načinu obavljanja taksi prijevoza putnika na području Zeničko-dobojskog kantona („Sl novine Zeničko-dobojskog kantona“, broj 6/10) d o n o s i

P R A V I L N I K

o načinu korištenja, redu i radu na taksi stajalištima na području Općine Breza

I OPĆE ODREDBE

Član 1.

Ovim Pravilnikom uređuju se:

- broj i razmještaj taksi stajališta,
- način rasporeda taksi vozila na taksi stajalištima i način određivanja kriterija za red prvenstva u raspoređivanju taksi vozila na taksi stajališta i
- red i rad na taksi-stajalištu,

II BROJ I RAZMJEŠTAJ TAKSI STAJALIŠTA

Član 2.

Taksi stajalište je propisano uređena i označena površina gdje se zadržavaju taksi vozila i to po redu dolaska, u cilju prijema narudbi i prevoza putnika prema redoslijedu.

Član 3.

Broj i razmještaj taksi stajališta, broj stajališnih mjesta za vozila na taksi.stajalištima, koja se nalaze na javnim površinama i kategoriju taksi stajališta određuje posebnim aktom Služba za

prostorno uređenje općine Breza u saradnji sa Službom za privredu, finansije i opću upravu općine Breza za svaku kalendarsku godinu do 10. januara tekuće godine u skladu sa članom 9. Odluke o organizaciji i načinu obavljanja taksi prijevoza putnika na području Zeničko-dobojskog kantona (u daljem tekstu Odluka).

. Član 4.

Ukupan broj taksi vozila, odnosno ukupan broj dopunskih taksi oznaka na početku svake godine određuje Služba za privredu, finansije i opću upravu.

Akt iz prethodnog stava dostavlja se Ministarstvu za prostorno uređenje, promet i komunikacije i zaštitu okolice Zeničko-dobojskog kantona do 15. januara tekuće godine.

Član 5.

Taksi stajališta mogu koristiti samo taksi prijevoznici sa područja općine Breza.

Član 6.

Uređenje i održavanje taksi stajališta vrši Služba za privredu finansije i opću upravu općine Breza.

Član 7.

Za upotrebu i korištenje taksi stajališta na javnim površinama plaća se godišnja naknada.

Određivanje visine naknade i naplatu iste vrši Služba za prostorno uređenje, zaštitu okolice, geodetske i imovinsko pravne poslove općine Breza.

Sredstva prikupljena iz naknada namjenski se koriste za izgradnju novih, uređenje i održavanje postojećih taksi stajališta, odnosno za unapređenje taksi djelatnosti.

Dokaz o uplati godišnje naknade taksi prijevoznik je dužan dostaviti prilikom podnošenja zahtjeva za izdavanje dopunske oznake za taksi vozilo.

**III RASPORED TAKSI VOZILA NA TAKSI STAJALIŠTIMA I
NAČIN ODREĐIVANJA KRITERIJA ZA RED PRVENSTVA
U RASPOREĐIVANJU TAKSI VOZILA NA TAKSI STAJALIŠTA**

Član 8

Raspored taksi vozila na taksi stajalištima i kriteriji za red prvenstva u raspoređivanju taksi vozila na taksi stajalištima uređuje Udruženje taksista „Breza“ Breza u roku od trideset dana od dana davanja saglasnosti na ovaj Pravilnik.

Na akt iz prethodnog stava saglasnost daje ova Služba.

IV RED I RAD NA TAKSI STAJALIŠTIMA

Član 9.

Taksi vozač prima putnike za prijevoz na taksi stajalištu na koje je raspoređen po redoslijedu pristizanja na isto.

Na taksi stajalište ne smiju se parkirati druga vozila.

Na taksi stajalištu ne smije stajati više taksi vozila nego što ima obilježenih mjesta.

Član 10.

Prijevoz obavlja taksi vozač čije se vozilo nalazi na prvom mjestu taksi stajališta.

Odlaskom jednog ili više taksi vozila, druga vozila se pomjeraju na upražnjena mjesta istim redoslijedom kojim su i pristigla na taksi stajalište.

Izuzetno, ukoliko putnik ima posebne zahtjeve u pogledu urednosti i komfora vozila ili uljudnosti vozača, može zatražiti uslugu i od taksi vozača čije vozilo nije na prvom mjestu taksi stajališta.

Član 11.

Na taksi stajalištu je zabranjeno stvaranje buke pojačanim radom motornog vozila, upotrebom sirena, upotrebom uređaja i aparata za reprodukciju muzike i svih drugih uređaja koja stvaraju buku.

Na taksi stajalištu nije dozvoljeno pranje vozila, bacanje otpadaka i čišćenje pepeljara.

Član 12.

Za vrijeme dok je taksi vozilo parkirano na taksi stajalištu taksi vozač zbog efikasnijeg pružanja usluga je dužan biti u taksi vozilu ili pored taksi vozila.

Član 13.

Taksi vozilo na taksi stajalištu mora biti čisto i uredno a taksi vozač uredno i prikladno odjeven shodno odredbama člana 26. Odluke, uljudno se odnositi prema putnicima i ne smije pušiti u vozilu.

Član 14.

Na taksi stajalištima zabranjeno je konzumiranje alkohola, opojnih sredstava i kartanje.

Član 15.

Taksi vozač je obavezan prijem putnika na taksi stajalištu vršiti sa pažnjom i poštovanjem.

V PRELAZNE I ZAVRŠNE ODREDBE

Član 16

Na pitanja koja nisu uređena ovim Pravilnikom primjenjivat će se odredbe zakona i podzakonskih akata koji regulišu ovu oblast.

Član 17

Saglasnost na ovaj Pravilnik daje Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

Član 18.

Po pribavljanju saglasnosti iz prethodnog člana Pravilnik će se objaviti u „Službenom glasniku općine Breza“.

Član 19.

Danom stupanja na snagu ovog Pravilnika stavlja se van snage Pravilnik o načinu korištenja reda i rada na taksi stajalištima na području općine Breza broj: 02/1-02-2159/09 od 20.10.2009.godine.

Član 20.

Ovaj Pravilnik stupa na snagu danom objavljivanja u „Službenom glasniku općine Breza“.

POMOĆNIK NAČELNIKA
Meliha Beširević, s.r.

Izdavač: Općina Breza, Stručna Služba Općinskog vijeća, Ulica Bogumilska br.1. telefon: 786-061, fax: 786-031.